

**Uunga siunnersuut: Peqqinnissaqarfiup iluani napparsimasut
naammagittaalliuuteqarsinnaaneratt taarsiiffigineqarsinnaanerallu pillugit Inatsisartut
Inatsisaat**

(Peqqissutsimut Naalakkersuisoq)

Saqqummiussissut

(Peqqissutsimut Naalakkersuisoq)

Siullermeerneqarnera

Naalakkersuisut sinnerlugit Peqqinnissaqarfiup iluani napparsimasut naammagittaalliuuteqarsinnaaneratt taarsiiffigineqarsinnaanerallu pillugit Inatsisartut inatsisissaattut siunnersuut matumuuna saqqummiutissavara.

Maannamut allaffissornikkut naammagittaalliuuteqarnissamut taarsiivigineqarnissamullu periutsimik oqimaatsumik ingerlataqarpugut, aammalu amerlanertigut suliaq aallartinneraniit aalajangiisoqarnissaata tungaanut ukiut arlallit ingerlasinnaasarlutik. Tamanna innuttatsinnut naammaginangilluinnartuuvooq, sulianimi taamaattuni suliap ersarissumik sukkasuumillu suliarineqartarnissaannik pisariaqartitsipput.

Siunnersuutip akuerineqarnerani sulianik naammagittaalliuutinut tunngasunik suliaqarneq aallaaviatigut katsorsaanermik naammagittaalliuuteqarnertut suliarineqartassapput tassani napparsimasooq katsorsaanermik ajoqusernermik kinguneqartumik naammagittaalliuuteqassaaq, tamatumani napparsimasup peqqinnissakkut sullissisumit aalajangersimasumit katsorsarneqarsimannera pillugu naammagittaalliuuteqarneq pinnagu. Taamatuttaaq peqqinnissaqarfimmi ajoqusernerup kingunerisaanik taarsiiffigitinnissamik qinnuteqaatit Danmarkimi Napparsimasunut Taarsiissuteqartarfimmi aamma Napparsimasunut Taarsiissuteqartarfimmut Suliareqqitassanngortitanik Aalajangiisarfimmi suliarineqartalissapput. Taamaaliornikkut suliat taakku sungiussisimanerusunit aamma suliassamik suliarinninnermi suli annerusumik attuumassuteqannginnerusunit suliarineqartarnissaat qulakkeerneqassaaq.

Siunnersuutip Inatsisartunut saqqummiunneqarnissaa sioqqullugu Danmarkimi inatsimmi pisariaqartutigut allannguisoqarsimavoq, taamaalilluni sulianik taakkuninnga suliaqarneq pillugu Danmarkimi oqartussaasunik suleqateqarnissaaq ajornarnani.

Inatsisartut inatsisaata kingunerisaanik naammagittaallioarnissamut taarsiiffigitinnissamullu aaqquissuussineq nutaaq pisariinnerusooq pilersinneqassaaq, taamaalilluni sulianik suliarinninneq qitiusumik ingerlanneqalissaaq taamaalillunilu sulianik suliarinnittarneq sukkanerulissaaq aamma pitsaassutsimik qulakkeerininnissamut

periarfissarissaartoqarnerulissaaq. Katsorsaanerup ingerlarnga pillugu innuttaasut oqaloqatigilluarneqarnerulernissaat matumani ilanngunneqassapput.

Taamatut oqaaseqarlunga siunnersuut Inatsisartuni akuersaartumik oqallisigisassanngortippara.